

聞顯大乘微妙之義我等徒眾各悟心源哀
念深遠冥功濟度非是二乘之所能知又於
諸法相中顯大慧源成無上道被諸來生悉
令易悟大乘平等一切相不偏不黨授與
能行無賤無貴當知天尊為眾生父母為眾
生橋梁廣施布教開決耳目紹隆三寶輪轉
無極我等徒眾各發大意宣揚妙法示來眾
生今聞正法得正法已父子妻孥安樂無已
天尊又曰此經從無量劫來不終不壞度人
無量終劫說之亦不能盡得道之人相專不
絕要須此經而待道果若無此經終無有是
此經神驗疾於影響若在急難讀此經難
即消滅自然擁護昔有玉印童子燒香供養
讀誦此經忽有仙童玉女遍滿虛空一時來
至燒反風名香讚誦靈文驚動一國王印童
子安然不恐遂無輟音真藏等眾寂默無言
稽首而去

无上内秘真藏經卷之九

无上内秘真藏經卷之十

洪七

究竟品

爾時天尊領諸徒眾在靈解山顯揚功德无
量國土皆受慧潤无量眾生悉得度脫无量
法界並悉聞知无量小乘皆得悟解无量真
仙能顯功德无量眷屬能受持經无量童子
能說真藏无量上士能體大乘无量中士能
行供養无量下士能生信心无量師子衛護
法城无量金剛斷邪魔惑爾時天尊放慧光
明遍照東方无量國土各隨形類而得受潤
見此神變尋光而來不動本國而觀天尊稽
首无上尊稽首无上法皈依无上師又照南
方无量國土各隨形類而得受潤見此神變
尋光而來不動本國而觀天尊稽首无上尊
稽首无上法皈依无上師又照西方无量國
土各隨形類而得受潤見此神變尋光而來
不動本國而觀天尊稽首无上尊稽首无上
法皈依无上師又照北方无量國土各隨形
類而得受潤見此神變尋光而來不動本國
而觀天尊稽首无上尊稽首无上法皈依无

上師又照上方无量諸天各隨形類而得受
潤見此神變尋光而來不動分度而觀天尊
稽首无上尊稽首无上法皈依无上師又照
下方无極世界各隨形類而得受潤見此神
變尋光而來不動本所而觀天尊稽首无上
尊稽首无上法皈依无上師又照地獄幽徒
楚痛各隨業報而得解脫見此神變尋光而
出不動其所而觀天尊稽首无上尊稽首无
上法皈依无上師
爾時天尊告諸來者吾為汝等稽居幻中安
生業縛生死憂惱不能悟解又有諸仙行小
乘行雖得長年終皈變易何以故業受累故
汝今迴向皈命大乘諦聽善惡吾為汝說我
發神光遍照十方无量國土汝等各見神光
殊妙希有第一不識所由此光非外非内非
青非白非赤非黑脫諸色像而得自在汝等
各有此光非近非遠變見在物能為五聲非
五聲能為五色非五色能為五味非五味能
為物像非物像能為智慧非智慧能為解脫
非解脫能為微妙非微妙能為清淨非清淨

能為不動非不動能為取捨非取捨能為去來非去來能為寂滅非寂滅能為是非非是非略示此先千分萬分未顯其一善男子等汝勿驚疑自生退悔我累劫來修行大乘生觀行觀四宜不失遂經劫載艱辛備經而成道果汝等眷屬聽受不等多有疑惑何故不問我今最後顯深妙理令汝易解勿懷不信迷情不已須臾之間汝自當見言語未訖忽然神變空中發聲震天動地迺日月驚駭眾生蠢蠕之類一待變易莫知所在五苦日徒成得解脫眾仙等乘空而來到靈解山一時稽首瞻視天尊欣慶無已俱發聲言歎大慈尊顯揚妙德異相威嚴種種方便能成能壞能妙能康能長能短不可思議不審為法自有殊妙奇特變見非諸色像為當天尊神德迺易天尊答言善哉巧問諸法自在非意非妙亦非自有亦非我作我與汝等更無差別汝與我等亦無差別我等眾生眾生我等所變動者皆是正慧法性自顯自顯非相非非相非法非非法清淨自在解脫無為

爾時四眾聞此瑞相非內非外非真非假各在本性寂然無照四眾皆至不動本國而見他方不壞法相而法相自在不壞煩惱而煩惱清淨不壞生死而生死解脫不壞去來而去來无我不壞是非而是非无主不壞智慧而智慧寂滅我等徒眾又習諸經未聞此法又經歷虛名山洞府諸仙宮殿各有仙經无量部覆略披尋讀遂經數劫種種教方學長生術修善外求內懷人我无方便慧自顯功能強化他緣自緣不曉我等昔日徒勞辛苦不遇真經今親天尊示我妙藥顯真藏經決生靈盲我等宿緣種福深厚得聞此經不踰旬月无進无退覺悟大乘至靈解山豁然无滞

皆由緣業報應不差惑前惑後宜各慎之修身立行有五福德何謂五福德勤行恭敬勤行慈愍勤行忍辱勤行精進勤行布施何謂恭敬恭敬有二一者觀相恭敬外形人見則信二者當照本性皎然等真道法行此恭敬名為正解何為慈愍慈愍亦有二者憐愍哀念眾生二者慈能破有樹立行此慈慈名為度物何謂忍辱忍辱亦有二者惡業外來觸已心能懷忍不生怨恚二者无我外无塵累得法自在行此忍辱名為等性何謂精進亦有二種一者專精定心執志欲入敬已二者內行照物妙心無人我相無去來相常行常照證果不差名為精進何謂布施亦有二法一者財施受用不周功德不具二者法施懷在口中慧無不善此之功德心行不等有深有淺若印法者觀理則住名為大乘最勝功德希有難聞若有不印者縛在色聲名為小乘幸苦累劫證因受果雖得少分終無解脫復有最下愚癡眾生不知恭敬不知慈愍不知忍辱不知精進不知布施如此等類

難可化論不可思議汝等聽受而聽受之是時真藏等衆聞此妙說利益甚深難可譬論而說偈言

無上天尊慧無窮 顯法隨方皆得度
逗機萬行不差殊 巨細深淺歸正路

放光動地見諸像 非巧言辭能譬論
我等積劫習小乘 勤苦艱辛終不悟

今聞天尊顯真藏 不盈日月了深趣
慈悲究竟真道場 壞忍受生端正果

我師巧說無虛假 救濟蒼生無不可
衆生不信善因緣 誹謗大乘懷自我

天尊法母慈受深 布德遍周無不普
我今曉了大乘經 內行思惟自然觀

天尊善離於世間 方寸受納諸國土
示見微妙奇特身 不生不死非今古

是時真藏等衆說偈讚歎天尊希有慈傷一切廣布大乘顯真藏法開化愚蒙教導利益使未見者見未聞者聞未悟者悟未解脫者今得解脫我等眷屬普入法門悟無上道復有下根衆生不能曉達本性深微速情不到

云何可顯唯願天尊重宣委示

天尊答言一切衆生不聞法實不信大乘不行正法未入定位當審其行隨心為說我得道已無量劫來常住世間濟度諸法無時捨離若得度者則見我身非外非內非青非白

非亦非黑彼土衆生業緣感對汝等徒衆各取所宜而隨物化我今反入無間汝等肉眼不能見我妙相法身謂言我滅汝自觀身當得見我圓滿具足汝未體空達途倒惑要憑文字執繫其心汝等受持真藏妙經功德立

至當見我身見我身者無文無字無去無來亦無我相無非我相非相非相何以故經微妙故連法不二法微妙故連衆生不二衆生妙故連我不二我等妙故連一切法非法非非法復告四衆我初學行遠經數劫種種

尋求學長生業繁芝服餅吐納導養遂得長生雖壽千齡終必變易乃復進修學中乘行尋文記事外相求真執著語言謂言是實後遇本師逢善知識曉示真源決無為理我稟受形四妙為本五廢成相遺我先行先觀四

妙遊塵五成五成之相實實冥冥變化出沒不住生生及源守一照理明明此時覺悟諸法平等一相無相究竟寂滅無初中後汝等四衆廣開法門除五垢行斷四緣愛三惑得除一慧能通六聰明徹映照內外如琉璃山無表無內皎然明淨慧解無窮衆生不曉自懷我慢煩惱覆蔽不能顯了猶如泥中玉塵不見終無汙染汝等四衆各勸修行勿生外想衆生顛倒迷惑世間耽著五慾以此為樂謂言不死須臾之間百病具生感頭眩風病感內疾充心感手脚不遂感瘡癩諸盲如此病至求死不得苦腦自嬰妻子看守經年累月復無孝心如此怨報苦痛切身不可歡說若身死後名係三官魂神被縛考對幽牢長夜之中不見日月受苦報對永無期限妻子欣然不知不覺汝等觀察前後因緣明淨身心達三世因了三世果善知衆生根性差別隨分自在從無量劫受身定位不生不滅與我同身與道同根一切諸法亦復如是汝等要須先習此經悟諸緣理何以故此經正印

01482-8

通印諸法顯物妙心真實不二無虛假說是
一相門圓滿具足修行至此堅固不退祿蕩
無為外道羣邪自然磨滅此經神力為大法
輪運載衆生輪轉不絕猶如日月懸照四方
盲者不覩真經妙性亦復如是衆生顛倒煩
惱覆蔽不見正經自生誹謗失愛慈每真藏
等衆稽首伏地上白天尊衆疑不了敢問衆
生等天尊性無差無別為衆生性等天尊相
為衆生相等天尊性若相等者衆生應見若
見等相則無顛倒亦無煩惱亦無誹謗亦無
是非亦無生死云何衆生顛倒不了若性等
者相則不等性相則別衆生有相則無有性
天尊有性則無有相若相即性性即是相衆
生即是天尊圓應天尊即是衆生執者如此
疑惑願垂誨示

言相則可見性不可見分別二途失真實道
我說此經名大醫王能療諸疾應病與藥能
服之者無不差愈不能服者病則不瘳徒嗟
大醫終無有損此經亦復如是衆生顛倒不
信大乘而生誹謗不行恭敬不肯受持自生
顛倒惑此經能破煩惱重病能破貪欲愛網
結縛能破瞋恚愚癡障惱能令衆生得無畏
心能令衆生得不死術能令衆生智慧方便
能令衆生慈仁孝順能令衆生長命富貴能
令衆生安樂自在能令衆生成無上道此經
功德廣遠遍周非言可顯汝能方便功積修
行到靈解山入真實際證大乘轅平等無礙
若無方便不曉真宗反成執滯更增煩惱失
大慈毋失平等心失無為理失解脫慧失功
德本諸行皆失自然禍殃天尊於是說偈讚
揚重宣功德令諸四衆反照身心說偈頌云
大乘廣分布 隨分教衆生 我顯真藏本
正印證分明 能行此經者 智慧自然成
汝等諸徒衆 廣化勤修行 證法得自在
了達無上經 我今說譬論 近聞令易解

小乘人得信 漸證無生果 究竟功德林
非人復非我 最後殷勤說 所言無不可
巨細各相容 神力隨行坐 大乘不可顯
反覆在環堵
天尊說此偈已告四衆及諸眷屬我說法訖
當還本所此經委付國王聖主次及大臣王
侯子弟我大弟子共傳宣布經法流通功德
廣遠不可估量何以故猶如良井遍給衆渴
井泉不竭此經功德亦復如是廣宣分布衆
人皆得本猶不失若不流通此經不行功德
斷絕塞諸智慧斷衆生行斷解脫源斷因緣
業其罪深重非可譬論汝諸四衆勤行大行
勿生分別我當反神不沉不浮離諸色像四
衆顯顯聞此語已哀號哽咽涕淚不勝齊聲
唱言留請天尊垂恩住世天尊答言我遊諸
國崑崙九土思法教化今彼衆生迴向大道
我別汝當不易時汝等各居嚴淨國土營意
名香在靈解山自當見我忽然冉冉昇空而
去真藏等衆瞻視無已莫知所在各還本所
无上內秘真藏經卷之十